

**JAVNA USTANOVA
HISTORIJSKI ARHIV SARAJEVO
S A R A J E V O**

PRAVILNIK
o vrstama vlastitih javnih prihoda
Javne ustanove „Historijski arhiv Sarajevo“

Sarajevo, septembar 2023.godine

Na osnovu člana 27. stav 1. alineja 6. Zakona o ustanovama („Službeni list R BiH“, broj 6/92, 8/93 i 13/94), člana 9. Pravilnika o vrstama vlastitih javnih prihoda u FBiH („Službene novine FBiH“, broj 104/22), Uredbe o uslugama i cijenama usluga koje pruža Arhiv („Službene novine Kantona Sarajevo“, broj 40/18), te člana 19. tačka f) Pravila Javne ustanove „Historijski arhiv Sarajevo“, broj 02-1222-3/21 od 17.06.2021. godine, Upravni odbor, na sjednici održanoj 30.08.2023. godine, a nakon elektronskog izjašnjavanja od 06.09.2023. godine, donosi

PRAVILNIK
o vrstama vlastitih javnih prihoda
Javne ustanove „Historijski arhiv Sarajevo“

I OPĆE ODREDBE

Član 1.
(Predmet)

Ovim Pravilnikom se utvrđuju vrste vlastitih javnih prihoda te način korištenja vlastitih javnih prihoda koje Historijski arhiv Sarajevo (u daljem tekstu: Arhiv) ostvaruje obavljanjem usluga u okviru svoje registrovane djelatnosti, a koje se ne finansiraju iz sredstava Budžeta Kantona Sarajevo (u daljem tekstu: Budžet).

Član 2.
(Vlastiti prihodi)

Vlastiti prihodi koje ostvari Arhiv obavljanjem osnovne djelatnosti i ostalih poslova na tržištu su javni prihodi Budžeta Kantona Sarajevo.

II KRITERIJ ZA UTVRĐIVANJE I VRSTE VLASTITIH JAVNIH PRIHODA ARHIVA

Član 3.
(Kriteriji)

- (1) Kriterij za utvrđivanje vlastitih javnih prihoda Arhiva, u skladu sa članom 4. Pravilnika o vrstama vlastitih javnih prihoda u Federaciji BiH, su da:
- a) prihod ne spada, u smislu ovog pravilnika, u kategoriju poreza, doprinosa, taksi, naknada i kazni;
 - b) prihod nije kao javni prihod propisan posebnom odredbom u zakonu;
 - c) prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt;

- d) prihod se ostvaruje obavljanjem aktivnosti na tržištu i u tržišnim uslovima od strane subjekta iz člana 2. ovog Pravilnika, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada tog subjekta.
- (2) Kriteriji iz stava (1) tač. a), b) i d) ovog član primjenjuju se na kumulativnoj osnovi za utvrđivanje vlastitih javnih prihoda subjekata iz člana 2. ovog Pravilnika koji su uvršteni u registar budžetskih korisnika i koji su definirani kao organi uprave i upravne organizacije prema propisima kojima se isti osnivaju, utvrđuje njihov djelokrug rada, organizacija i funkcioniranje.
- (3) Kriteriji iz stava (1) tač. a) do c) ovog člana primjenjuju se na kumulativnoj osnovi za utvrđivanje vlastitih javnih prihoda subjekata iz člana 2. ovog Pravilnika koji su uvršteni u registar budžetskih korisnika i nisu obuhvaćeni stavom (2) ovog člana.

Član 4.

(Vrste vlastitih javnih prihoda)

- (1) Arhiv ostvaruje slijedeće vlastite javne prihode vršeći usluge u smislu člana 1., a po zahtjevu korisnika usluga:
- a) prihodi od usluga pružanja stručne pomoći iz oblasti registrovane djelatnosti Arhiva;
 - b) prihodi od usluga registraturnog sređivanja arhivske i registraturne građe;
 - c) prihodi od preuzimanje arhivske i registraturne građe od imalaca i stvaralaca arhivske građe;
 - d) prihodi od usluga istraživanja podataka u Arhivu i izvan Arhiva za potrebe korisnika;
 - e) prihodi od usluga izdavanje uvjerenja i prepisa za potrebe korisnika;
 - f) prihodi od osposobljavanja za rad i rukovanje arhivskom i registraturnom građom;
 - g) prihodi od posudbe arhivske građe;
 - h) prihodi od usluge TV snimanja informativno-obrazovnog i propagandno-komercijalnog karaktera.

Član 5.

(Druge usluge)

Uslugama u smislu ovog Pravilnika smatraju se i drugi poslovi koje Arhiv vrši izvan godišnjeg plana rada, a prevazilaze obaveze utvrđene zakonom ako se odnose na zaštitu arhivske i registraturne građe (vršenje stručnog nadzora, stručnog održavanja, čuvanja, izlučivanja nepotrebne - bezvrijedne registraturne građe iz arhivske građe i sl.) te poslovi iz istraživačko-izdavačke djelatnosti.

Član 6.

(Vlastiti javni prihodi od prodaje usluga, pristupa i korištenja)

Vlastiti javni prihod od prodaje proizvoda, roba i usluga koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

r.br.	Oznaka vrste prihoda	Naziv vlastitog javnog prihoda	Pravni osnov ostvarivanja vlastitih javnih prihoda	Namjena
1.	722651	prihod od pružanja stručne pomoći i savjetovanja iz oblasti registrovane djelatnosti Arhiva	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu
2.	722651	prihod od usluga registraturnog sređivanja arhivske i registraturne građe -Izdvajanje/škartiranje nepotrebne registraturne građe i drugih sličnih poslova -Izrada klasifikacionih oznaka dokumentacije -Izrada Liste kategorija sa rokovim čuvanja -Izrada plana sređivanj -Tehničko opremanje i uređivanje građe -Popisivanje građe u arhivsku knjigu po jedinici upisa	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu

3.	722651	prihod od preuzimanja arhivske i registraturne građe	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu
4.	722651	<p>prihod od istraživanja podataka iz dokumentacije Arhiva na zahtjev fizičkih i pravnih lica</p> <ul style="list-style-type: none"> - Istraživanje i izdavanje uvjerenja na zahtjev fizičkih lica - školska sprema, podaci o zvanju, diploma za svaku godinu školovanja - završni ispit - radni staž do 5 godina - prosjek plaće/ 5godina <p>prihod od istraživanja i izdavanja prepisa iz imovinsko-pravne dokumentacije na zahtjev fizičkih i pravnih lica</p> <ul style="list-style-type: none"> - nacionalizacija, konfiskacija, eksproprijacija, arondacija, naknade za oduzetu imovinu, imovinsko-pravna dokumentacija koja obuhvata brisovna očitovanja, građevinske dozvole, kućna lista iz fondova popisa stanovništva 1910. i 1925. i td.) - tehnička dokumentacija, projektna dokumentacija/kopije 	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu

		<ul style="list-style-type: none"> - Istraživanje i izdavanje dokumentacije iz upravno-pravne dokumentacije po zahtjevu pravnih lica/prepisi, uvjerenja - Prepisi (osnivanje, registracija, ukidanje, likvidacija, nacionalizacija, imovinsko pravni odnosi) - uvjerenja o statusnim promjenama - tehnička dokumentacija, projektna dokumentacija/kopije - korištenje arhivske građe koja se u izuzetnim okolnostima iznosi iz Arhiva na kopiranje, skeniranje ili mikrofilmovanje <p>primjenjuju se odredbe ovog Pravilnika koje regulišu ovu materiju uz naplatu troškova zaposlenika/pratioca prihod od izdavanja i kopiranja DN spisa</p>		
5.	722651	<p>prihod od istraživanja podataka za izradu hronika, monografija, muzejskih postavki za potrebe korisnika, Arhiv može vršiti uz naknadu troškova koji se regulišu posebnih ugovorom.</p>	<p>Uredba o uslugama i cijenama usluga u Arhivu, Ugovor, Pravila Arhiva, Pravilnik o vrstama vlastitih javnih prihoda u F BiH</p>	<p>Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu</p>

6.	722651	prihod od kopiranja, skeniranja i fotografisanja arhivske građe po zahtjevima stranaka	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu
7.	722651	prihod od usluga za posudbu arhivske građe - Izrada zaštitne kopije originalne arhivske građe	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu
8.	722653	prihod od usluga održavanja seminara za zaposlenike u registraturama u vezi zaštite i obrade arhivske i registraturne građe prihod od usluga održavanja seminara za zaposlenike odgovorne za organizaciju poslova i upravljanje dokumentacijom	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu
9.	722656	prihod od usluga provjere stručne osposobljenosti za rad i rukovanje arhivskom i registraturnom građom/stručni ispit za zaposlenike u registraturama prihod od usluga polaganja arhivističkog ispita za	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme

		zaposlenike u arhivima	F BiH	za smještaj arhivske građe u Arhivu
10.	722659	prihod od usluga TV snimanja - TV snimanje informativno-obrazovnog karaktera - TV snimanje propagandno-komercijalnog karaktera	Uredba o uslugama i cijenama usluga u Arhivu, Pravila Arhiva, Pravilnik o vrstama vlastitih javnih prihoda u F BiH	Unapređenje arhivske djelatnosti, zaštita i čuvanje arhivske građe, promocija arhivske građe, kao i tekuće održavanje depo prostora i opreme za smještaj arhivske građe u Arhivu

Pravni osnov ostvarivanja vlastitih javnih prihoda iz stava (1) ovog člana je Uredba o uslugama i cijenama usluga koje pruža Arhiv i potpisani ugovori o saradnji o pružanju usluga, potpisani ugovori o sponzorstvu/pokroviteljstvu.

III PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA

Član 7.

(Planiranje i namjena vlastitih javnih prihoda)

- (1) Planiranje i raspolaganje vlastitim javnim приходima, kao i nadzor nad istim vrši se u skladu sa Zakonom o budžetima Federacije Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22), propisima koji uređuju Računovodstvene politike Arhiva, propisima koji uređuju način plaćanja i trošenja vlastitih javnih prihoda i ovim Pravilnikom.
- (2) Vlastiti javni prihodi Arhiva planiraju se kroz Plan budžeta Arhiva i izmjene i dopune budžeta Arhiva.
- (3) Na osnovu planiranih vlastitih javnih prihoda iz čl. 4. ,5. i 6.ovog Pravilnika, planirat će se i rashodi i kapitalni izdaci.
- (4) Vlastiti javni prihodi iz čl. 4. ,5. i 6.ovog Pravilnika, koristit će se prioritarno za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak će se raspoređivati na tekuće i kapitalne izdatke.

Član 8.

(Raspolaganje vlastitim javnim prihodima)

- (1) Arhiv raspolaže sa ostvarenim vlastitim javnim prihodima u skladu sa članom 14. Zakona o izvršavanju budžeta Kantona Sarajevo za 2023. godinu („Sl. novine KS“, broj: 15/23) i ovim Pravilnikom.
- (2) Arhiv može koristiti vlastite javne prihode prema izvještaju Ministarstva finansija KS koji se Arhivu dostavlja do 15. u mjesecu za prethodni mjesec.
- (3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog Arhiva unosit će se i raspoređivat odlukom Vlade i postaju sastavni dio Budžeta.

IV NAČIN UPLATE I TROŠENJA VLASTITIH JAVNIH PRIHODA

Član 9.

(Uplata, trošenje i korištenje vlastitih javnih prihoda)

- (1) Vlastiti javni prihodi Arhiva uplaćuju se na depozitni račun Budžeta Kantona Sarajevo.
- (2) Vlastiti javni prihodi Arhiva mogu se naplaćivati i u gotovini.
- (3) Arhiv je odgovoran za potpuno i pravovremeno uplaćivanje vlastitih javnih prihoda na depozitni račun.
- (4) Arhiv je dužan vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- (5) Vlastiti javni prihodi Arhiva moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine.
- (6) Vlastiti prihodi Arhiva namjenski će se koristiti za unapređenje arhivske djelatnosti, zaštitu arhivske građe kao i za tekuće održavanje prostora i opreme Arhiva.

Član 10.

(Raspoređivanje ostvarenih i naplaćenih vlastitih prihoda)

Arhiv je dužan da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V ZAVRŠNE ODREDBE

Član 11.

(Izmjene i dopune)

Izmjene i dopune ovog Pravilnika vrše se na način i po postupku predviđenom za njegovo donošenje.

Član 12.
(Stupanje na snagu)

- (1) Ovaj Pravilnik stupa na snagu danom dobijanja saglasnosti Vlade Kantona Sarajevo, a primjenjivat će se od 01.01.2024. godine.
- (2) Pravilnik će se objaviti na web stranici Javne ustanove, oglasnoj ploči Javne ustanove i u "Službenim novinama Kantona Sarajevo".



PREDSJEDNIK
UPRAVNOG ODBORA

Sakib Kasapovic

Broj: 02-2007-5/23
Sarajevo, 06.09.2023. godine